



Inatsisartunut ilaasortaq
Doris J. Jensen, Siumut

§ 37 naapertorlugu apeqquteqaammut nr. 036 14-05-2021-imeersumut akissuteqaat.

Ulloq: 31-05-2021
Suliap normua: 2021 - 9803
Suliap immikkuutaarnerani
nr.: 16861134

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apn@nanoq.gl

www.naalakkersuisut.gl

Inatsisartut suleriesissaani § 37, stk. 1 naapertorlugu Naalakkersuisunut apeqquteqaateqarputit, tamannalu aqutsisoqarfik 47-imi qalerallinniarnermut tunngassuteqarpoq. Apeqqut uanga akissussaaffinnut akisassanngorlugu ingerlateqqinneqarsimavoq.

1. Qalerallinniarluni aqutsiveqarfimmi 47-imi Diskobugtimi, Uummannami aamma Upernavimmi, qalerallit angissutsimikkut oqimaassutsimikkullu ukiuni qulini kingullerni allangoriartornerat qanoq inissisimava?

Akissut

Apeqquteqaatip akinissaanut Pinngortitaleriffik, qalerallinni agguaqatigiissillugu angissutsit, ammareernerinilu salereernerinilu agguaqatigiissillugu oqimaassusaannik naatsorsukkaminik tunniussaqaarsimavoq.

Pinngortitaleriffimmiit naatsorsuisimanerit 2010-miit 2019-ip tungaanut takutipfaat piffinni assiginnigtsuni pingasuni, agguaqatigiissillugu qalerallit takissusaat aammalu oqimaassusaat, tulaanneqartarnerini naatsorsukkat naapertorlugit milleriarsimasut.

Qeqertarsuup tunuani milleriarneq annertunerpaasimavoq, tassa agguaqatigiissillugu 11,2 %-imik (57,3 cm-teriniit 50,9 cm-terinut) milleriarsimammata, oqimaassusaallu 30,6 %-imik (1,573 kg-miit 1,091 kg-mut) oqileriarsimalluni.

Uummannani milleriaat agguaqatigiissillugu 5,9 %-iusimavoq (60,6 cm-imiit 57,9 cm-miiterimut), taamatullumi aamma oqimaassusai 16,5 % (1,818 kiilumiit 1,518 kiilumut) piffissami taaneqartumi tassani.

Milleriarneq annikinnerpaaq Upernavimmi takuneqarsinnaavoq. Maani tassa 3,1 %-mik milleriarsimammata (61,3 cm-miiterimiit 59,4 cm-miiterimut), agguaqatigiissillugulu oqimaassuseq 9,3 %-imik oqileriarsimapput (1,955 kg-miit 1,773 kiilumut) piffissami tassani taaneqartumi.

Agguaqatigiissillugu takissutsit oqimaassutsillu piffissami 2010-2019 aqutsisoqarfimmit 47-imi tulaanneqarsimasut nikerarneri takuneqarsinnaapput, Qeqertarsuup Tunuani, Uummannami Upernavimmilu allangoriartorneq takussutissiani nalunaarsuiffinnilu ilanngussani takuneqarsinnaapput.

Inussiarnersumik Inuulluaqqusillunga



Aqqaq B. Egede

Aalisarnermut Piniarnermullu Naalakkersuisoq

Inussiarnersumik Inuulluaqqusillunga



Aqqaluaq B. Egede
 Aalisarnermut Piniarnermullu Naalackersuisoq

Ilanngussaq 1: Qeqertarsuup Tunua




Ukioq	2010	2011	2012	2013	2014	2015	2016	2017	2018	2019
Takissuseq, cm	57,3	55,7	54,1	54,8	54,3	52,5	53,6	53,8	50,8	50,9
Oqimaassuse, kg	1,573	1,427	1,318	1,327	1,209	1,155	1,273	1,309	1,082	1,091

Ilanngussaq 2: Uumannaq



Ukioq	2010	2011	2012	2013	2014	2015	2016	2017	2018	2019
Takissuseq, cm	60,6	61,0	62,5	62,1	60,7	62,0	60,3	58,2	57,1	57,0
Oqimaassuse q, kg	1,818	1,855	1,964	1,945	1,755	2,055	1,727	1,655	1,500	1,518

Ilanngussaq 3: Upernavik



Ukioq	2010	2011	2012	2013	2014	2015	2016	2017	2018	2019
Takissuseq, cm	61,3	59,8	62,0	61,6	57,8	59,2	58,6	58,0	55,8	59,4
Oqimaassuse q, kg	1,955	1,809	2,091	1,909	1,545	1,718	1,727	1,682	1,473	1,773